

ՔԱՂՎԱԾՔ

2014 թվականի հուլիսի 17 -ին ժամը 14⁰⁰ -ին կայացած ՀՀ Արմավիրի մարզի Ծաղկալանջ համայնքի անդամների ընդհանուր ժողով

Ժողովին մասնակցում էին ՀՀ Արմավիրի մարզպետարանի աշխատակազմի գյուղատնտեսության և բնապահպանության վարչության, բնապահպանության բաժնի պետ՝ Ս. Բաղդասարյանը: Համայնքի անդամներից ներկա էին 53 բնակիչներ, դպրոցի տնօրենը, գյուղապետարանի աշխատակիցներ և ավագանու անդամների 7-ից 5-ը:

Ժողովի նախագահ՝

Մ. Սկրտչյան

Քարտուղար՝

Ս. Սենիքերիմյան

Օրակարգ - ՀՀ Արմավիրի մարզի Ծաղկալանջի գյուղական համայնքի ղեկավարի և համայնքի ավագանու 2014 թվականի I-ին կիսամյակի ընթացքում աշխատանքային գործունեության հաշվետվությունը

Ձեկ.՝ Ս. Սկրտչյան

Արտահայտվեցին Աշոտ Բաղդասարյան, Ղազար Ղազարյանը, Վարդան Մալխասյանը, Լևոն Գրիգորյանը: Նրանք ներկայացրեցին գյուղի հիմնախնդիրների մասին, որոնք անհրաժեշտ են բնակչության կենսամակարդակի բարձրացման համար.

1. Մշակույթի տան վերանորոգման անհրաժեշտությունը
2. Մթերքների իրացման հարցը
3. Մանկապարտեզի շենքի վերանորոգման անհրաժեշտությունը
4. Ներտնտեսային ոռոգման ցանցը գրեթե ամբողջությամբ հողային հունով է, կորուստը մեծ է և այն հանգեցնում է ջրօգտագործողների արդարացի դժգոհությանը:

Ժողովի նախագահ

Քարտուղար՝



Մ. Սկրտչյան

Ս. Սենիքերիմյան

2014 թվականի հուլիսի 17-ին ժամը 14⁰⁰ –ին կայացավ ՀՀ Արմավիրի մարզի
Ծաղկալանջ համայնքի անդամների ընդհանուր ժողով

Ժողովին մասնակցում էին ՀՀ Արմավիրի մարզպետարանի աշխատակազմի
գյուղատնտեսության և բնապահպանության վարչության, բնապահպանության
բաժնի պետ՝ Ս. Բաղդասարյանը: Համայնքի անդամներից ներկա էին 53
բնակիչներ, դպրոցի տնօրենը, գյուղապետարանի աշխատակիցներ և
ավագանու անդամների 7-ից 5-ը:

Հ Ա Շ Վ Ե Տ Վ ՈՒ Թ Յ ՈՒ Ն

ՀՀ Արմավիրի մարզի Ծաղկալանջ համայնքի ղեկավարի և ավագանու
կողմից 2014 թվականի I-ին կիսամյակի կատարած աշխատանքների
մասին
Ձեկ. Համայնքի ղեկավար՝ Մ.Մկրտչյան

Հարգելի Ծաղկալանջ համայնքի բնակիչներ, հյուրեր. Ձեզ են
ներկայացնում 2014 թվականի I-ին կիսամյակի ընթացքում գյուղապետարանի և
ավագանու կողմից կատարած աշխատանքների հաշվետվությունը:

2014 թվականի I -ին կիսամյակի ընթացքում գյուղապետարանը և ավագանին
իր գործունեությունը իրականացրել է 2014 թվականին կազմած աշխատանքային
ծրագրին համապատասխան՝ ըստ բնագավառների: Բարելավել ենք
հանդամիջյան ճանապարհները, ամիսը 4 անգամ կատարվել է աղբաթափություն,
որի համար հատկացվել է 415.000 դրամ գումար:

Ջրամատակարարման նպատակով կատարվել է ջրաչափերի տեղադրման
աշխատանքներ՝ շուրջ 50 հատ:

Կազմակերպվել և հաշվետվություններ են ներկայացվել վիճակագրական
ծառայությանը անասնազխաքանակի, բնակչության սեռատարիքային շարժի,
բերքահավաքի և գարնանացանի տվյալների մասին: Եկամուտների, ծախսերի և

աշխատավարձի մասին հաշվետվություններ են ներկայացվել Արմավիրի մարզպետարան, եռամսակային հաշվետվություններ են ներկայացվել հարկային տեսչություն: Կադաստրի տարածքային ստորաբաժանում է ներկայացվել շենքերի և շինությունների կառուցման և քանդման շարժի մասին:

Կազմակերպվել է նաև միջոցառում նվիրված դպրոցի շրջանավարտների վերջին զանգին, հատկացվել է 170.000 դրամ:

2014 թվականի I -ին կիսամյակի ընթացքում ստացվել և պատասխանվել է 40 գրություն: Կայացել է ավագանու 4 նիստ և քննարկվել է 16 հարց, ընդունվել է համապատասխան որոշումներ:

Համայնքն ունի 28 նպաստառու ընտանիքներ: Սոցիալապես անապահով ընտանիքներին իրենց դիմումների և ավագանու որոշմամբ տրվել է դրամական օգնություններ՝ 1.000.000 դրամ:

2014 թվականի I -ին կիսամյակի ընթացքում համայնքում ծնվել է 6 երեխա, արձանագրվել է 12 մահ, ամուսնացողների թիվը հասնում է 7 -ի:

Ընդունվել է գյուղապետի 25 որոշում, ընդունվել է 52 դիմում, որոնք բոլորն էլ ստացել են համապատասխան լուծումներ: Համայնքի բնակչությանը տրվել է համապատասխան ոլորտի 255 տեղեկանքներ:

2014 թվականի I -ին կիսամյակի ընթացքում բնակիչներից գանձվել է 997.000 դրամ հողի հարկ, որը կազմում է տարեկան պլանայինի 21.02%-ը, 622.700 դրամ գույքահարկ, որը կազմում է պլանայինի 26.9%-ը, և վարձակալական հողի վարձավճար 15.000 դրամ՝ պլանայինի 2.17%-ը:

Գյուղապետարանը աշխատավարձի պարտք չունի:

Գյուղում կան մի շարք հիմնախնդիրներ, որոնց վերաբերյալ կցանկանայի տեղեկացնել Ձեզ և մարզպետարանի ներկայացուցչին, քանզի նշված խնդիրները գյուղապետարանի միջոցներով հնարավոր չէ իրականացնել:

1. Մշակույթի տունը վերակառուցման և վերանորոգման անհրաժեշտություն ունի, բնակչությունը մշակութային միջոցառումներ չեն կարող կատարել, անգամ իր ազատ ժամանակը սովորական խաղերով անցկացնելու վայր չունի

2. Չի գործում մանկապարտեզը՝ համապատասխան շենքային պայմանների բացակայության պատճառով, նախկին շենքը կարիք ունի վերանորոգման:

3. Ներտնտեսային ոռոգման ցանցը գրեթե ամբողջությամբ հողային հունով է, կորուստը մեծ է և այն հանգեցնում է գերծախսի ջրօգտագործողների արդարացի դժգոհությանը:

4. Խմելու ջրի ներքին ցանցը նույնպես անմխիթար վիճակում է, որը վերանորոգման կարիք ունի:

Սույն թվականի մարտի 9-ին տեղի է ունեցել համայնքի ավագանու ընտրություն:

Գյուղում կատարվող բոլոր երևույթները գյուղապետարանի ուշադրության կենտրոնից դուրս չեն մնում, կա սերտ կապվածություն գյուղացու և գյուղապետարանի միջև: Սիրելի համագյուղացիներ Ձեր բոլոր գրավոր և բանավոր դիմումները և խնդրանքները քննարկվում են և հնարավորության սահմաններում տրվում են համապատասխան լուծումներ:

ՀԱՄԱՅՆՔԻ ՂԵԿԱՎԱՐ՝



Ս. ՄԿՐՏՉՅԱՆ